

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-228/24
Vareš, 30.12. 2024. godine

Z A P I S N I K
s Konstituirajuće – 1. sjednice Općinskog vijeća Vareš,
održane 28.11. 2024. godine

Mahira Brkić – predsjedavajuća OV iz prethodnog saziva Općinskog vijeća Vareš u svom obraćanju pozdravila sve prisutne, građane i medije.

Otvorena je Konstituirajuću – 1. sjednica s početkom u 14,00 sati, u velikoj sali Općine Vareš.

Prisutni novoizabrani vijećnici: Amela Mešić, Asim Balta, Asmir Čizmo, Dario Dodik, Denis Kovačević, Dževad Mahmutović, Edin Ibrišimović, Igor Hinger, Igor Šimić, Irma Rožajac, Malik Rizvanović, Nazif Hajrić, Nermin Hrvat, Nikola Šimić, Srđan Franjić, Šaban Ibrišimović, Zdenko Franjić i Zdravko Barkić.

Odsutni: Nema.

Pored vijećnika sjednici prisustvuju: Općinski načelnik – Zdravko Marošević, predsjedavajuća OV iz starog saziva OV – Mahira Brkić, sekretar Općinskog vijeća – Mersad Dido, pomoćnik općinskog načelnika – Ibrahim Spahić, rukovodilac JURA - Rusmir Berberović, ispred Službe za privredu, finansije i trezor – Mirza Fatić, ispred Službe za opću upravu, društvene djelatnosti i BIZ-u – Malik Likić, zamjenica općinskog pravobranioca – Belma Karamustafić, predsjednik OIK-a – Leon Pavlović i predstavnici medija.

Ad. 1.

(Odluka Centralne izborne komisije BiH o potvrđivanju rezultata lokalnih izbora 2024. godine i Informacija Općinske izborne komisije Vareš o provedenim lokalnim izborima u BiH 06.10. 2024. godine na području općine Vareš.)

Predsjednik OIK-a Leon Pavlović upoznao je prisutne sa Informacijom Općinske izborne komisije Vareš o provedenim Lokalnim izborima u BiH 06.10. 2024. godine.

Predsjedavajuća OV konstatovala je da je Vijeće **primilo k znanju** Odluku Centralne izborne komisije BiH o potvrđivanju rezultata lokalnih izbora 2024. godine i Informaciju Općinske izborne komisije Vareš o provedenim lokalnim izborima u BiH 06.10. 2024. godine na području općine Vareš.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: varres@bih.net.ba

Ad. 2.

(Uručivanje Uvjerenja o dodjeli mandata)

Predsjednik OIK-a Vareš Leon Pavlović vijećnicima je uručio Uvjerenja o dodjeli mandata.

Mahira Brkić uz dato objašnjenje izvijestila je prisutne da odbija mandat koji joj je dodijeljen u Općinskom vijeću Vareš na Lokalnim izborima.

Ad. 3.

(Davanje i potpisivanje Svečane izjave i Izjave o upoznavanju i prihvatanju Etičkog kodeksa od strane vijećnika s ovjerenim mandatima)

Predsjedavajuća OV pozvala je novoizabrane vijećnike da pristupe davanju svečane izjave. Predsjedavajuća OV pristupila je čitanju teksta Svečane izjave, a vijećnici su zajednički dali, a nakon toga pojedinačno potpisali Svečanu izjavu.

Vijećnici su pojedinačno potpisali i Izjavu o upoznavanju i prihvatanju Etičkog kodeksa u budućem radu.

Mahira Brkić u funkciji predsjedavajuće OV u starom sazivu uputila je prigodne čestitke novoizabranim vijećnicima i zaželjela uspješan rad.

Općinski načelnik Zdravko Marošević u svom obraćanju uputio je čestitke novoizabranim vijećnicima.

Predsjedavajuća OV stavila je na raspravu Zapisnik sa 36. sjednice OV. Nije bilo primjedbi i predsjedavajuća OV stavila je na izjašnjavanje Zapisnik sa 36. sjednice OV i nakon izjašnjavanja vijećnika konstatuje da je sa **18 glasova „ZA“ usvojen Zapisnik sa 36. sjednice OV.**

Predsjedavajuća OV stavila je na raspravu prijedlog dnevnog reda za Konstituirajuću - 1. sjednicu OV koji je usaglašen na Međustranačkom sastanku.

Nije bilo rasprave i predsjedavajuća OV stavila je na izjašnjavanje prijedlog dnevnog reda za Konstituirajuću - 1. sjednicu OV.

Nakon izjašnjavanja vijećnika predsjedavajuća OV konstatuje da je sa **18 glasova „ZA“ usvojen sljedeći**

Dnevni red

1. Odluka Centralne izborne komisije BiH o potvrđivanju rezultata lokalnih izbora 2024. godine i Informacija Općinske izborne komisije Vareš o provedenim lokalnim izborima u BiH 06.10. 2024. godine na području općine Vareš.
Izvjestilac: OIK.
2. Uručivanje uvjerenja o dodjeli mandata. (OIK)
3. Davanje i potpisivanje Svečane izjave i Izjave o upoznavanju i prihvatanju Etičkog kodeksa od strane vijećnika s ovjerenim mandatima.

4. Izbori:

- a) Komisije za izbor i imenovanja,
- b) Predsjedavajućeg Općinskog vijeća Vareš,
- c) Zamjenika predsjedavajućeg Općinskog vijeća Vareš.

5. Izvještaj/Izvješće o izvršenju Budžeta/Proračuna Općine Vareš za period 01.01. 2024. – 30.06. 2024. godine (Pregled prihoda i primitaka i finansiranja po ekonomskim kategorijama).

Izvestilac: Općinski načelnik.

6. Izvještaj/Izvješće o izvršenju Budžeta/Proračuna Općine Vareš za period 01.01. 2024. – 30.09. 2024. godine (Pregled prihoda i primitaka i finansiranja po ekonomskim kategorijama).

Izvestilac: Općinski načelnik.

7. Izmjene i dopune Budžeta/Proračuna Općine Vareš za 2024. godinu.

Izvestilac: Općinski načelnik.

8. Nacrt Budžeta/Proračuna Općine Vareš za 2025. godinu.

Izvestilac: Općinski načelnik.

9. Nacrt Odluke o izvršenju Budžeta/Proračuna Općine Vareš za 2025. godinu.

Izvestilac: Općinski načelnik

10. Izvještaj o radu Općinskog pravobranilaštva Općine Vareš za 2023. godinu.

Izvestilac: Belma Karamustafić

11. Prijedlog Rješenja o konačnom imenovanju člana Upravnog odbora Javne ustanove "Dom zdravlja" Vareš.

Izvestilac: Sekretar OV

12. Informacija o postignutom uspjehu u školskoj 2023/2024. godini u OŠ "Vareš", OŠ "Vareš Majdan" i MSŠ "Nordbat-2" Vareš.

Izvestilac: Malik Likić.

13. Informacija o stipendiranju i stipendistima općine Vareš u akademskoj 2023/2024. godini.

Izvestilac: Malik Likić.

14. Tekuća pitanja.

Ad. 4.

(I z b o r i)

a) Komisija za izbor i imenovanje

Poslovníkom o radu Općinskog vijeća Vareš predviđeno da Komisija za izbor i imenovanje broji po jednog vijećnika iz svake političke stranke koja je zastupljena u OV, a stranke su dostavile prijedloge svojih kandidata, što je usaglašeno na međustranačkom sastanku.

Predsjedavajuća OV otvorila je raspravu o Prijedlogu Rješenja, kojeg su vijećnici dobili u materijalu.

Nije bilo rasprave i predsjedavajuća OV stavila je na izjašnjavanje Prijedlog Rješenja o izboru članova Komisije za izbor i imenovanja.

Nakon izjašnjavanja vijećnika predsjedavajuća OV konstatuje da je sa **18 glasova „ZA“ usvojeno**

Rješenje o izboru članova Komisije za izbor i imenovanja

i izabrani su:

1. **Nazif Hajrić, predsjednik – SDA,**
2. **Nikola Šimić, zamjenik – HDZ,**
3. **Edin Ibrišimović, član – NAPRIJED BIH,**
4. **Zdenko Franjić, član – SDP,**
5. **Irma Rožajac, član – HDS,**
6. **Šaban Ibrišimović, NES ZAJEDNO,**
7. **Amela Mešić, član – SBIH i**
8. **Zdravko Barkić, član – DF.**

b) Izbor predsjedavajućeg Općinskog vijeća Vareš

Komisiji su pristigli pisani prijedlozi od stranaka zastupljenih o OV i to:

- za predsjedavajućeg OV - Malik Rizvanović (SDA) prijedlog stranke SDA,
- za zamjenicu predsjedavajućeg OV - Irma Rožajac (HDS) prijedlog stranke HDS.

Predsjedavajuća OV pozvala je vijećnike da se izjasne ako neko ima nove prijedloge za kandidate za predsjedavajućeg i zamjenika predsjedavajućeg OV.

Nije više bilo prijedloga i predsjedavajuća OV dala je pauzu u trajanju od 15 minuta kako bi Komisija za izbor i imenovanja razmotrila prijedloge za predsjedavajućeg i zamjenicu predsjedavajućeg Općinskog vijeća.

Nakon pauze i održane sjednice Komisije za izbor i imenovanje, Vijeće je nastavilo sa radom sjednice.

Predsjednik Komisije Nazif Hajrić upoznao je prisutne sa Zapisnikom Komisije za izbor i imenovanje, a isti je podijeljen vijećnicima.

Komisija je predložila da se o kandidatu za predsjedavajućeg OV – Rizvanović Malika – SDA Općinsko vijeće izjasni javno, kao i za kandidata za zamjenicu predsjedavajućeg Rožajac Irmu – HDS.

Predsjedavajuća OV podsjetila je prisutne na odredbe Statuta Općine Vareš i Poslovnika o radu OV, koje se odnose na način glasanja (tajno ili javno) za predsjedavajućeg i zamjenika predsjedavajućeg OV, te je predložila da se za predsjedavajućeg i zamjenicu predsjedavajućeg OV, Vijeće izjašnjava javnim glasanjem. Vijećnici nisu imali prijedloga o načinu izjašnjavanja.

Predsjedavajuća OV stavila je na izjašnjavanje prijedlog da se izbor predsjedavajućeg i zamjenice predsjedavajućeg OV izvrši javnim glasanjem i nakon izjašnjavanja vijećnika konstatuje da je **Vijeće sa 18 glasova „ZA“ prihvatilo prijedlog** da će se izbor predsjedavajućeg i zamjenice predsjedavajućeg OV izvršiti **javnim glasanjem.**

Predsjedavajuća OV je konstatovala da kandidat Malik Rizvanović prihvata prijedlog kandidata za predsjedavajućeg OV, te je stavila je na izjašnjavanje prijedlog **kandidata Malik Rizvanović – SDA za predsjedavajućeg OV Vareš.**

Nakon izjašnjavanja vijećnika predsjedavajuća OV konstatuje da je prijedlog dobio **14 glasova „ZA“ , 1 glas „PROTIV“ i 3 „SUZDRŽANA“ glasa.**

Predsjedavajuća OV konstatuje da je na osnovu izvršenog glasanja, **Malik Rizvanović kandidat SDA, izabran za predsjedavajućeg Općinskog vijeća Vareš.**

Predsjedavajuća OV Mahira Brkić čestitala je i predala dužnost daljnjeg vođenja sjednice novoizabranom predsjedavajućem OV Maliku Rizvanoviću.

Novoizabrani predsjedavajući OV Malik Rizvanović pozdravio je sve prisutne i zahvalio se svima na ukazanom povjerenju.

Predsjedavajući OV Malik Rizvanović nastavio je dalje vođenje sjednice.

c) Izbor zamjenice predsjedavajućeg Općinskog vijeća Vareš

Predsjedavajući OV Malik Rizvanović je konstatovao da kandidat Irma Rožajac prihvata prijedlog za zamjenicu predsjedavajućeg OV, te je stavio je na izjašnjavanje prijedlog kandidata **Irma Rožajac – HDS za zamjenicu predsjedavajućeg OV Vareš**, te nakon izjašnjavanja vijećnika konstatuje da je prijedlog dobio **15 glasova „ZA“ i 3 „SUZDRŽANA glasa.**

Predsjedavajući OV konstatuje da je na osnovu glasanja, a u skladu sa Poslovníkom, **Irma Rožajac kandidat HDS, izabrana za zamjenicu predsjedavajućeg Općinskog vijeća Vareš.**

Novoizabrana zamjenica predsjedavajućeg OV Irma Rožajac u svom obraćanju pozdravila je sve prisutne i zahvalila se svima na ukazanom povjerenju.

Predsjedavajući OV dao je riječ Općinskom načelniku Zdravku Marošević da se obrati Vijeću.

Općinski načelnik Zdravko Marošević u svom kratkom obraćanju čestitao je novoizabranim vijećnicima i poželio im uspješan rad. Zahvalio se bivšim vijećnicima na saradnji.

Predsjedavajući OV dao je pauzu u trajanju 15 minuta.

Nastavljeno je sa radom sjednice.

Ad. 5.

*(Izveštaj/Izvešće o izvršenju Budžeta/Proračuna Općine Vareš
za period 01.01. 2024. – 30.06. 2024. godine
(Pregled prihoda i primitaka i finansiranja po ekonomskim kategorijama).*

Izjestilac nije imao dodatno pojašnjenje.

Otvorena je rasprava u kojoj su učestvovali: Dario Dodik (*postavio pitanja u vezi planiranih sredstava za plaće*), Zdenko Franjić (*postavio pitanja u vezi trajanja mandata komisija OV*), Mirza Fatić i sekretar OV (*dali su odgovore na postavljena pitanja u raspravi*).

Zaključena je rasprava i predsjedavajući OV stavio je na izjašnjavanje Izvještaj/Izvešće o izvršenju Budžeta/Proračuna Općine Vareš za period 01.01. 2024. – 30.06. 2024. godine (Pregled prihoda i primitaka i finansiranja po ekonomskim kategorijama).

Nakon izjašnjavanja vijećnika predsjedavajući OV konstatuje da je sa **14 glasova „ZA“ i 4 „SUZDRŽANA“ glasa usvojen**

*Izvještaj/Izvešće o izvršenju Budžeta/Proračuna Općine Vareš
za period 01.01. 2024. – 30.06. 2024. godine
(Pregled prihoda i primitaka i finansiranja po ekonomskim kategorijama).*

Ad. 6.

*(Izvještaj/Izvešće o izvršenju Budžeta/Proračuna Općine Vareš
za period 01.01. 2024. – 30.09. 2024. godine
(Pregled prihoda i primitaka i finansiranja po ekonomskim kategorijama).*

Izjavitelj nije imao dodatno pojašnjenje.

Otvorena je rasprava u kojoj su učestvovali: vijećnik Dario Dodik (*postavio pitanja u vezi povećanja sredstava za plaće, predlaže da se planiranim sredstvima -stavka „pomoć preduzeća“ pomogne novoosnovanim firmama*), Mirza Fatić (*dao je odgovore na postavljena pitanja*) i sekretar OV Mersad Đido (*dao je odgovor na postavljeno pitanje vijećnika a u vezi mogućnosti postavljanja „vijećničkih pitanja“*).

Zaključena je rasprava i predsjedavajući OV stavio je na izjašnjavanje Izvještaj/Izvešće o izvršenju Budžeta/Proračuna Općine Vareš za period 01.01. 2024. – 30.09. 2024. godine (Pregled prihoda i primitaka i finansiranja po ekonomskim kategorijama).

Nakon izjašnjavanja vijećnika predsjedavajući OV konstatuje da je sa **14 glasova „ZA“ i 4 „SUZDRŽANA“ glasa usvojen**

*Izvještaj/Izvešće o izvršenju Budžeta/Proračuna Općine Vareš
za period 01.01. 2024. – 30.09. 2024. godine
(Pregled prihoda i primitaka i finansiranja po ekonomskim kategorijama).*

Ad. 7.

(Izmjene i dopune Budžeta/Proračuna Općine Vareš za 2024. godinu)

Izjavitelj nije imao dodatno pojašnjenje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izmjene i dopune Budžeta/Proračuna Općine Vareš za 2024. godinu.

Nakon izjašnjavanja vijećnika predsjedavajući OV konstatuje da je sa **14 glasova „ZA“ i 4 „SUZDRŽANA“ glasa usvojene**

Izmjene i dopune Budžeta/Proračuna Općine Vareš za 2024. godinu.

Ad. 8.

(Nacrt Budžeta/Proračuna Općine Vareš za 2025. godinu)

Izjavitelj nije imao dodatno pojašnjenje.

Otvorena je rasprava u kojoj su učestvovali vijećnici: Dario Dodik (*mišljenja je da planirana stavka „pomoć za preduzeća i pojedince“ treba biti veća, predložio je da se planirana sredstva za ugovore o djelu svedu na minimum i da se ta sredstva preraspodjele na stavku redovnih plaća i primanja*), Igor Hinger (*izjavio da će Klub vijećnika HDZ dostaviti amandmane na Nacrt budžeta*), Zdravko Barkić (*iznio određene primjedbe i stavove na Nacrt budžeta*), Nermin Hrvat (*izjavio da će Klub vijećnika SDA dostaviti amandmane na Nacrt budžeta*), Općinski načelnik Zdravo Marošević (*dao je određena pojašnjenja u vezi planiranih sredstava u Nacrtu budžeta*) i sekretar OV Mersad Đido (*dao odgovor vijećniku Hinger Igoru u vezi procedure/rokova podnošenja amandmana*).

Zaključena je rasprava i predsjedavajući OV predložio je i stavio na izjašnjavanje sljedeći

Zaključak

- 1. Prihvata se Nacrt Budžeta/Proračuna Općine Vareš za 2025. godinu.**
- 2. Nacrt Budžeta/Proračuna Općine Vareš za 2025. godinu iz tačke 1. ovog Zaključka upućuje se na javnu raspravu u trajanju od 15 dana.**
- 3. Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave prijedloga datih u toku rasprave sačine Prijedlog i isti dostave Vijeću na razmatranje i usvajanje.**
- 4. Sastavni dio Prijedloga bit će i Izvještaj o provedenoj raspravi.**
- 5. Ovaj Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je sa **14 glasova „ZA“, 1 glasom „PROTIV“ i 3 „SUZDRŽANA“ glasa usvojen predloženi Zaključak.**

Ad. 9.

(Nacrt Odluke o izvršenju Budžeta/Proračuna Općine Vareš za 2025. godinu)

Izjavitelj nije imao dodatno pojašnjenje.

Nije bilo rasprave po ovoj tački dnevnog reda i predsjedavajući OV predložio je i stavio na izjašnjavanje sljedeći

Zaključak

- 1. Prihvata se Nacrt Odluke o izvršenju Budžeta/Proračuna Općine Vareš za 2025. godinu.**
- 2. Nacrt Odluke o izvršenju Budžeta/Proračuna Općine Vareš za 2025. godinu iz tačke 1. ovog Zaključka upućuje se na javnu raspravu u trajanju od 15 dana.**
- 3. Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.**
- 4. Sastavni dio Prijedloga bit će i Izvještaj o provedenoj raspravi.**
- 5. Ovaj Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je sa **15 glasova „ZA“** i **3 „SUZDRŽANA“** glasa usvojen predloženi Zaključak.

Ad. 10.

(Izvještaj o radu Općinskog pravobranilaštva Općine Vareš za 2023. godinu)

Izjavitelj nije imao dodatno pojašnjenje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izvještaj o radu Općinskog pravobranilaštva Općine Vareš za 2023. godinu.

Nakon izjašnjavanja vijećnika predsjedavajući OV konstatuje da je sa **16 glasova „ZA“** i **2 „SUZDRŽANA“** glasa usvojen

Izvještaj o radu Općinskog pravobranilaštva Općine Vareš za 2023. godinu.

Ad. 11.

*(Prijedlog Rješenja o konačnom imenovanju člana
Upravnog odbora Javne ustanove "Dom zdravlja" Vareš)*

Izjavitelj nije imao dodatno pojašnjenje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o konačnom imenovanju člana Upravnog odbora Javne ustanove "Dom zdravlja" Vareš.

Nakon izjašnjavanja vijećnika predsjedavajući OV konstatuje da je sa **18 glasova „ZA“** usvojeno

Rješenje o konačnom imenovanju člana

Upravnog odbora Javne ustanove "Dom zdravlja" Vareš.

Ad. 12.

(Informacija o postignutom uspjehu u školskoj 2023/2024. godini u OŠ "Vareš", OŠ "Vareš Majdan" i MSŠ "Nordbat-2" Vareš)

Izvjestilac nije imao pojašnjenje.

Otvorena je rasprava u kojoj su učestvovali vijećnik Igor Hinger (uz dato pojašnjenje sugerisao je da ubuduće Informacija o postignutom uspjehu sadrži i informaciju o napretku škola općenito) i sekretar OV Mersad Đido (upoznao je prisutne da je u toku proces izrade Prijedloga Programa rada OV za 2025. godinu i da vijećnik može dostaviti tačan naziv Informacije koju će Vijeće razmatrati).

Zaključena je rasprava i predsjedavajući OV konstatuje da je **Vijeće primilo k znanju**

Informaciju o postignutom uspjehu u školskoj 2023/2024. godini u OŠ "Vareš", OŠ "Vareš Majdan" i MSŠ "Nordbat-2" Vareš.

Ad. 13.

(Informacija o stipendiranju i stipendistima općine Vareš u akademskoj 2023/2024. godini)

Izvjestilac nije imao dodatno pojašnjenje.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

Informaciju o stipendiranju i stipendistima općine Vareš u akademskoj 2023/2024. godini.

Ad. 14.

(Tekuća pitanja.)

Sekretar OV Mersad Đido podsjetio je vijećnike da u narednom periodu putem web stranice CIK-e popune izjave o imovinskom stanju i iste dostave Centralnoj izbornoj komisiji BiH.

Sastavni dio ovog Zapisnika je audio zapis sjednice.
Sjednica je završena u 16.16 sati.

SEKRETAR

Mersad Đido



ZAPISNIČAR

Azra Pijadžer

**PREDSJEDAVAJUĆI
OPĆINSKOG VIJEĆA**

Malik Rizvanović